

- 130** Gjaldskrá þessi staðfestist hér með samkvæmt vatnalögum, nr. 15 20. júní 1923, 25. júní og raforkulögum, nr. 12 2. apríl 1946, til þess að öðlast gildi þegar í stað, og birtist til eftirbreytni öllum, sem hlut eiga að máli.

Jafnframt fellur úr gildi gjaldskrá fyrir Rafveitu Egilsstaða, nr. 25 14. febrúar 1951.

Atvinnumálaráðuneytið, 25. júní 1953.

Hermann Jónasson.

Forv. K. Þorsteinsson.

- 131** Staðfesting forsetans á skipulagsskrá fyrir „Gjafasjóð Sigurgeirs Einarssonar“, 1. júlí útgefin á venjulegan hátt að mandatum af dómsmálaráðherra 1. júlí 1953. Skipulagsskráin er þannig:

SKIPULAGSSKRÁ

fyrir Gjafasjóð Sigurgeirs Einarssonar.

1. gr.

Sjóðurinn heitir Gjafasjóður Sigurgeirs Einarssonar, stórkaupmanns, Vesturgötu 28 í Reykjavík, er andaðist 11. apríl 1953. Er hann stofnaður samkvæmt arfleðsluskrá hans, dags. 11. ágúst 1952.

Stofnfé sjóðsins eru allar eftirlátnar eigur Sigurgeirs að loknum skiptum í dánarbúi hans, sem nú standa yfir, þó með þeim takmörkunum að Kristín Kristjánsdóttir, Vesturg. 28, skal eiga þess kost að halda íbúð þeirri, er hún nú býr í á efstu hæð Vesturg. 28, þar til reist hefur verið sjúkrahús það er um ræðir í 2. gr. hér á eftir, en fá þá til íbúðar 2 herbergi í sjúkrahúsinu, ef hún hún óskar, hvort tveggja gegn hæfilegri húsaleigu, meðan hún hefur sæmilegar ástæður til greiðslu hennar.

2. gr.

Tilgangur sjóðsins er:

- A. Að reisa myndarlegt sjúkrahús á Seltjarnarnesi til minningar um lækna Bjarna Pálsson landlækni, er bjó að Nesi á Seltjarnarnesi, og tengdason hans Svein Pálsson, héraðslækni í austur-héraði suðuramtsins.

Er það ósk gefanda að sjúkrahúsið verði reist á sandinum sunnan við heimreiðina að Nesi, en þó ekki skilyrði fyrir gjöfinni.

Skal sjúkrahúsið verða kvaðalaus eign Seltjarnarneshrepps að öðru leyti en því, sem byggingarstyrkur kann að fást til þess úr ríkissjóði, sbr. 8. gr. laga nr. 30/1933, lög nr. 33/1945 og lög nr. 24/1949, svo og því er leiðir af ákvæðum 2. mgr. 1. gr. hér að framan.

Byggingu sjúkrahússins skal ekki hefja, fyrr en tryggt er fé til að ljúka því, án þess að það þurfi að standa undir verulegum skuldum vegna byggingarkostnaðar, enda hafi þá hreppurinn tekið að sér að annast rekstur þess og sé reksturinn sæmilega tryggður fjárhagslega með hliðsjón af stærð sjúkrahússins og annars þess, er til greina kemur í því sambandi.

Til byggingar sjúkrahúss þessa má verja öllum sjóðnum, að fráteknunægilegu fé til þess er tilgreint er í B. og C. hér á eftir.

- B. Að annast um viðhald legstaðar vandamanna Sigurgeirs Einarssonar í Stórolfshvolskirkjugarði og styrkja byggingu nýrrar kirkju í Stórolfshvolssókn með

25.000 — tuttugu og fimm þúsund — króna framlagi í peningum án vaxta, eins og 131
nánar er til tekið í 3. gr. B. arfleiðsluskrárinna.

1. júlí

C. Að annast um viðhald legstaðar gefandans, Sigurgeirs Einarssonar.

3. gr.

Stjórn sjóðsins skipa oddviti Seltjarnarneshrepps og Ragnar Bjarkan stjórnar-ráðsfulltrúi, meðan hans nýtur við, en eftir hans dag skal hreppsnefnd Seltjarnarneshrepps kjósa mann í hans stað í stjórnina. Skal sjóðstjórnin annast rekstur fasteignarinnar Vesturgata 28, meðan hún verður í eigu sjóðsins og ávaxta fé hans á þann hátt er hún telur hyggilegan t. d. í ríkistryggðum verðbréfum eða fasteignaveðskuldabréfum, er þó aldrei, að viðbættum þeim veðskuldum er á undan kunna að standa, fari fram úr þrem fjórðu brunabótaverðs hlutaðeigandi fasteignar.

Ragnar Bjarkan skal vera reikningshaldari sjóðsins og varðveita fjármuni hans. Hann skal annast daglegan rekstur eigna sjóðsins, en til allra meiriháttar framkvæmda, svo sem sölu á fasteignum sjóðsins, leigu á þeim eða ávöxtunar á fjármunum hans til lengri tíma en eins árs í senn, þarf skriflegt samþykki beggja stjórnendanna.

Stjórnendum ber þóknun fyrir starf sitt eftir texta lögmannafélags Íslands.

4. gr.

Reikningsár sjóðsins skal vera almanaksárið. Skulu reikningarnir endurskoðaðir af 2 löggiltum endurskoðendum og sendir hreppsnefnd Seltjarnarneshrepps til athugunar innan misseris frá lokum hvers reikningsárs.

5. gr.

Stjórn sjóðsins ber að halda gerðabók fyrir sjóðinn. Færir hún í hana skipulagsskrá þessa ásamt árlegum reikningum sjóðsins.

REGLUGERÐ

um verðjöfnun á olíu og benzíni.

132

15. júlí

1. gr.

Söluverð á gasolíu, brennsluolíu og ljósaolíu, afhentri til viðskiptamanna á föstum útsölustað eða af tankbíl, skal vera hið sama, hvar sem er á landinu. Þó skal leyfilegur verðmunur á sama hátt og verið hefur vegna breytilegra afgreiðsluhátta. Söluverð á benzíni, öðru en flugvélabenzíni, skal vera hið sama frá öllum útsölustöðum, þ. e. birgðastöðvum og benzíndælum.

2. gr.

Mynda skal verðjöfnunarsjóð og skal viðskiptamálaráðherra skipa honum 5 manna stjórn. Þrjá eftir tilnefningu olíufélaganna, en hina tvo án tilnefningar, og skal annar þeirra vera formaður stjórnarinnar. Stjórnin skal annast framkvæmd verðjöfnunarinnar undir yfirstjórn ráðherra, sem sker úr um ágreiningsatriði, er upp kunna að koma.

3. gr.

Verðjöfnunargjald skal lagt á allt selt magn af olíum þeim og benzíni, sem um ræðir í 1. gr. Innflytjendur skulu greiða verðjöfnunargjaldið ársfjórðungslega til sjóðsins.